

PAGPANGITAG PAGPABUHI

ADLAW 8 — PAGKAMATINUMANON PINAAGI KANG JESUS

“Busa kon ang tawo anaa kang Cristo, siya bag-o nang binuhat; ang daang mga butang nagpangagi na, tan-awa, ang bag-ong mga butang nahiabut na” (2 Corinto 5:17).

Mga Lakang sa Pagtoo

Nakahinumdom ka ba sa dihang si Jesus naghimo sa Iyang unang milagro atol sa kasal sa Cana? Si Maria, ang inahan ni Jesus, nagsugo sa mga sulogoon, “Bisan unsay Iyang isugo kaninyo, buhata kini” (Juan 2:5). Pinaagi sa pag-ingon niini, si Maria nag-ugmad og pagsalig sa iyang mga sulogoon diha kang Jesus. Sa dihang Siya nagsugo kanila sa pagpuno sa mga sudlanan sa tubig, ilang gituman sigon sa Iyang gisugo. Unya si Jesus nag-ingon, “Pagkabo na kamo niana ug dad-a ngadto sa punoan sa kombira” (bersikulo 8). Sa makausa na usab, ilang gituman ang Iyang sugo, bisan pa kini daw kahibudnganan—ug sila sa madali nakaamgo nga sila nakasaksi og usa ka milagro. Tan-awa ang tagsatagsa nga mga lakang pag-usab:

1. Pinaagi sa iyang tugon, si Maria nag-ugmad og **pagsalig sa mga sulogoon diha kang Jesus**.
2. Ang mga sulogoon nagpadayag sa ilang pagsalig ug pagkamasinugtanon pinaagi sa pagbuhat kon unsa gyud ang gisugo ni Jesus. Sa laing mga pulong, sila nakahimo sa mga **lakang nga pagpangandam** nga nagtugot alang sa milagro.
3. **Unya si Jesus nag-inusara sa paghimo sa milagro.**

Ang mga sulogoon walay gibuhay sa paghimo sa tubig nga vino—apan mahitabo kaha ang milagro kon wala ang mga lakang nga pagpangandam? Ingon niani kon unsa ang pagkamatnumanon sa pagtoo magalihok: Kita magpili sa pagsalig kang Jesus, magbutang sa atong kabubut-on sa Iyang pagbulot-an, ug mohimog matnumanong mga lakang diha sa pagtoo. Apan si Jesus—ug si Jesus lamang—ang nagahimo sa mga milagro.

Giunsa Kini Paglihok

Ang apostol Pablo nagasaysay nga ang usa ka misteryo napadayag sulod kanato alang sa usa ka tino nga katuyoan—sa pagdala og pagkamatnumanon sa pagtoo (tan-awa ang Roma 16:25-27). Unsa kini nga misteryo? Sumala sa Colosas 1:27, kini mao ang “si Cristo sulod kanato.” Ug unsa ang resulta sa dihang ang pagkamatnumanon sa pagtoo maabot diha kang Cristo? “Busa kon ang tawo anaa kang Cristo, siya bag-o nang binuhat; ang daang mga butang nagpangagi na, tan-awa, ang bag-ong mga butang nahiabut na” (2 Corinto 5:17). Kita adunay usa ka bag-ong kinabuhi pinaagi kang Cristo nga nagapuyo ug nagabuhay sulod kanato. Kita mga bag-o na nga binuhat!

Sa dihang kita adunay “Cristo sulod kanato,” ang atong batasan paingon sa Iyang kasugoan mausab. “Ang Iyang mga sugo dili mabug-at” (1 Juan 5:3). “Kay Akong yugo masayon,” si Jesus nag-ingon (Mateo 11:30). “Ug sa akong kaugalingon magakalipay ako sa imong mga sugo, nga gihigugma ko” tungod kay sila mga “labing maayo alang kanako ang Kasugoan sa imong baba Kay sa mga linibo nga bulawan ug salapi” ug kini “labing matam-is pa kay sa dugos sa akong baba!” (Salmo 119:47, 72, 103). “Ang mga nahagugma sa imong Kasugoan adunay pakigdait nga daku” (Salmo 119:165). Ang pagkamatnumanon sa pagtoo maoy usa ka kahimut-an nga butang tungod ang Dios, sa Iyang gugma, naghatag kanato lamang sa mga labing maayo nga balaod.

Ug samtang importante ang pagkamatnumanon, kini dili makaluwas kanato, ug kini dili gayud mahitabo pinaagi sa atong kaugalingon nga pagkamaayo. Si Ellen White nagaingon, “Siya nga nagasulay sa pag-adto sa langit

pinaagi sa iyang mga kaugalingong buhat diha sa pagbantay sa balaod maoy pagsulay og usa ka imposeble. Ang tawo dili makaluwas nga walay pagkamatinumanon, apan ang iyang mga buhat kinahanglan dili sa iyang kaugalingon; si Cristo kinahanglan magbuhat sulod kaniya sa pagbuot ug sa pagbuhat sa Iyang maayong kahimut-an" (*Faith and Works*, p. 94). Tulo ka mga punto angayan sa pagpahimug-at:

1. Imposeble pag-adto sa langit pinaagi sa akong kaugalingong binuhatan. Ang pagsulay sa pag-angkon og usa ka butang gikan sa Dios maoy mapakyason.
2. Pero, ang pagkamatinumanon maoy usa ka mahinungdanong bahin sa kinabuhi uban sa Dios, sukad ang mga sumusunod ni Jesus gipangtawag sa pagpuyo diha kahiuyonan sa Iyang kabubut-on.
3. Ang pagkamatinumanon kinahanglan dili atong kaugalingong buhat apan usa ka milagro nga gihimo ni Cristo sulod kanato.

Unsang Bahina Ang Atong Giapilan?

Sa makausa na usab, kita dili makahimog bisan unsa nga butang sa pagluwas sa atong mga kaugalingon, apan ang Dios nagatahud sa libre nga kabubut-on sa tawo ug nagatugot kanato sa pagpili. Matud pa ni Ellen White, “Ang Ginoo nagadiseno nga ang diosnong gahum motambayayong sa paningkamot sa tawo” (*Ye Shall Receive Power*, p. 10). Unsay buot ipasabot niana?

1. **Kita magsalig.** Kita magpili sa pagpauswag sa atong pagsalig diha kang Jesus, nga nagabuhat sulod kanato “sa pagbuot ug sa pagbuhat” (Filipos 2:13). Siya nagalalang sulod kanatog usa ka batasan sa pagkamasinugtanon ug nagapakita kanato unsay atong gikinahanglang buhaton.
2. **Kita magdisidir.** Kita kinahanglan magpili sa pagbuhat sa kabubut-on sa Dios. Sukad Siya nagatahud sa hingpit sa atong pagkatawo ug kabubut-on, Siya lamang manginlabot kon kita magahimog desisyon. Siya nagahulat alang niini.
3. **Kita mohimog mga lakang nga pagpangandam.** Kita nagapahayag sa atong desisyon diha sa mga lakang sa pagkamatinumanon, diin pwede daku o gamay.
4. **Dios lang** ang naghimo sa importanteng buhat sa kaluwasan.

Ug hinumdumi, bisan ang atong bahin—pagsalig, pagdisidir, ug paghimong mga lakang sa pagpangandam—maoy gibuhat lamang diha sa kusog sa Dios, sa dihang si Jesus nagapuyo sulod kanato pinaagi sa Balaang Espiritu. Kini nagahimo sa pagakamatinaumanon nga usa ka pagmaya.

Pag-ampo sa Pulong sa Dios

Ang pagkamatinumanon nagatugot kanato sa pagsinati sa bug-os sa gugma sa Dios.

“Ang nagabaton sa akong mga sugo ug nagatuman niini, kini siya mao ang nahigugma kanako; ug ang nahigugma kanako pagahigugmaon sa akong Amahan, ug ako mahigugma kaniya ug magapadayag sa akong kaugalingon ngadto kaniya” (Juan 14:21).

Amahan, salamat sa pagpakita kanamo unsaon sa pag-abot sa labing maayo sa kinabuhi kong mahimo. Pasayloa kami sa dihang among gisalikway ang Imong balaod ug ang Imong gugma. Pangulohi kami sa pagsalig Kanimo sa bug-os ug sa pagtugyan sa among bug-os nga mga kasingkasing Kanimo.

Ang Dios mahimuot sa dihang kita mangayo alang sa matinaumanon nga mga kasingkasing.

“Busa hatagi ang imong sulogoon og usa ka matinaumanon nga kasingkasing. . . . Ang Ginoo nahimuot. . . . Buhaton ko pinasikad sa Imong mga pulong” (1 Hari 3:9, 10, 12,).

Ginoo, palihog hatagi kamig matinaumanon nga mga kasingkasing. Hatagi kamig hingpit nga pagsalig diha sa Imong pagpangulo ug mga prinsipyo, bisan kon kami dili makasabot. Tudloi kami sa pagtan-aw sa pagkamatinumanon pinaagi sa gahum sa Balaang Espiritu dili ingon nga usa ka lulan kondili ingon nga usa ka kalipayan.

Mga Dugang nga Sugyot sa Pag-ampo

Mga Pasalamat ug Pagdayeg: Paghatag og mga pasalamat alang sa mga tino nga panalangin ug dayga ang Dios tungod sa Iyng kamaayo.

Kompisal: Paggahin og pipila ka mga minutos alang sa pribado nga kompisal ug pasalamat ang Dios tungod sa Iyang pagpasaylo.

Giya: Hangyos ang Dios sa paghatag og kaalam alang sa mga hagit karon ug sa mga desisyon.

Atong Iglesia: Hangyos ang Dios sa pagpanalangin sa mga pangabudlay sa atong iglesia sa lokal, rehiyon, ug sa tibuk kalibutan.

Lokal nga mga Hangyo: Iampo ang mga panginahanglanon karon sa atong mga membro sa iglesia, panimalay, ug mga silingan.

Pamati ug Responde: Paggahin og panahon sa pagpamati sa tingog sa Dios ug responde diha sa pagdayeg og awit.

Mga Sugyot nga Awit

SDA Hymnal: Trust and Obey (#590); Live Out Thy Life Within Me (#316); I'll Go Where You Want Me to Go (#573); He Leadeth Me (#537); O Master, Let Me Walk With Thee (#574).